

Blagèèri



e VSG Bangg

Dr scheenschi Brueff wo kasch ha uff dr Wält
isch Bängger do spielsch mit fremdem Gäld
ziesch Lytt ybere Disch so vvyli wie du kasch
Bikunsch zem Lohn no e Bonus in Arsch
und sott das Bangggeschäft nimmi laufe
kasch de Schwoobe CD verkaufe

dr Merz isch vergäabe zem Gadaffi jettet
d Widmere, me glaubts nit het dr Polanski aakettet
bi Leuebärgers isch s'Chaos doo
dr Béglé isch gange dr Hasler isch koo
wen dä au so vvyli Lyt duet verjaage
kaa dr Moritz im Herbscht Böscht sälber uustrage

Ziiri spiilt gege Real Madrid
vo dene bekemme si e mächtige Dritt
GC kunnt nit vvyll besser druus
si styyge schyynts us dr Superlig uss
jä die Ziircher dien sich sälber vernichte
hoffentligg kenne mir no vvyll settigs brichte

d'Regierig wo d'Merkel do zämme gschteht hett
isch s'dyrschte dytsche Cabarett
dr Schäuble händlet wie dr Steibrück um Gäld
und der Westerwelle raist um d'Wält
Mir waarte druff dass är Baasel bsuecht
Dr Minu und dr Lips sin als Empfangsdame buecht

yeh gang in d'Ferie mit minnere Frau
jee sie das isch nit schlau
bim Haime goo laufts sie durch de Scääner
dert hogge maischtens numme Männer
do schreit ein frech uf dr Hüft zvyyl Spägg
und schiggt mi an Schalter vom ibergepägg
alli Männer steehn uff und heebe d'Händ in d'Heechi
umarme Si jetzt dr nägscht in dr neechi
lipfe si gege hinde s'rächte Bai
mit dr freye Hand gratze si am Noochber si Ai
hän si jetzt waarm so deerfe si sich brischte
si hän d'Brieffig bestande fyr Baasler Bolizischte

d'Kriese im Land kasch mit Hände gryffe
uss em Letschte Loch duet Baasel pfyffe
wyssi Barggblätz sells bald kaini me gee
Us dr Allmend will me Millione inee
Wenns ganz dig kunnt muesch e Vigniette kaufe
Fir s ganz Joor deerfe dùür Basel z'laafe

i haa mii vergäabe geege d'Verwaltig gwèèrt
mini Alti hett mr mi Sagg Gäld gspèèrt
in dr Baiz go ässe kaa ni mir nimmi laischte
d Frinde hann i verlore die allermaischte
am Gratis Daag kunnt mr d Idee
I kènt mini Alti ins Spèèrguet gee

Hundert Joor fyirt s'Comitée
d Post het derfiir drei Margge gee
du gsesch wie tout Bâle hinderem Bruuchtum stoot
uff wunzige Kunschtwärgg seesch wies an der Fasnacht goot
s fääle zwai Sache mir saage was das isch
kai Bangg uff de Märggli und am Münster kai Grischt

e Duurm wie e Schruube isch nit koo
wägem Fänschter bütze soll das schyynts nit goo
dr Neibau wo d Roche jetz ufstelle well
glyycht amene gwagglige Biehergestell
s isch nit was me am Ryy gärn stoo hett
derfyyr seets nit us wie ne Minarett

Wottsch au by uns bänggler?
Schigg doch aifach e Brief in unser Boschtfach
VSG Postfach 4365 4002 Basel
Oder goosch uff: www.vsg-basel.ch

Drugg: Discount Print H. Leidenfrost AG Basel